

Pantaleo Serra

BISIONE

2° premio (Nuorese)

Cudda notte passada  
 mi so isionadu; e nachi fia  
 girande cussa terra avventurosa  
 ch'est sa Sardigna mia  
 in dogni parte e via  
 mi pariat de bider e passare.  
 Comente in cust'impresa resessera,  
 non l'isco raccontare.  
 Poto sol'affirmare  
 ch'idia campos, forestas e rios;  
 pasculende crabolos e murones;  
 puzones in sos nios,  
 e de sos ojos mios  
 no haian peruna impressione;  
 fit tottu paghe, gosu e armonia:  
 una ver'istajone  
 de una bisione!

Sas de s'istiu timidias caldanas  
 non daiana perunu pensamentu:  
 bundantes sas funtanas  
 de lezeras e sanas  
 abbas agataia in dogni logu.  
 Pastores e massajos non timian  
 de s'azzender su fogu,  
 pro dispettu e pro giogu  
 de chie perdet s'usu 'e sa ragione!

Cosa chi mai si det poder bider  
 si no in bisione!...  
 Mai un'azione

de samben, pro vinditta e pro ricattu  
 usaiat committer prus nisciunu;  
 ne b'haiat ingratu  
 coro, chi soddisfattu  
 non cherzerat s'amigu cun su frade!  
 Fit motivu de briu e de cuntentu  
 sa generosidade.  
 Profunda umanidade;  
 sensu, fide e vera passione  
 tottu beniat; ma ecc' a sa fine  
 fit una bisione...

### VISIONE

La notte passata, nel sonno, ho avuto una visione: mi pareva d'essere giunto in quella terra avventurosa che è la mia Sardegna. Mi pareva di passare in ogni luogo ogni momento, e come, non lo so dire. Posso solo affermare di vedere distese di prati, e fiumi, boschi, con caprioli e mufloni al pascolo e uccelletti nel nido, che di me non avevano timore. Pace in ogni dove, felicità, armonia, una vera età d'oro sempre sognata.

Le calure estive non tormentavano per tante abbondanti sorgenti ricche d'acqua sana e leggera. E pastori e contadini senza timore accendevano sereni grandi fuochi, quasi a dispetto e gioco dei piromani che se accendevano, incendiavano ogni cosa.

Mai un delitto, una vendetta, un ricatto, nè c'era cuore ingrato che non vedesse l'amico come fratello. La generosità era motivo di gioia e dovunque regnava umanità e fede... Ma ecco la fine.... eccola improvvisa... Sì, era proprio una visione!...